



**Govor Hide Bišćevića,  
generalnog sekretara Vijeća za regionalnu saradnju**

**Potpisivanje protokola  
o regionalnoj saradnji u oblasti edukacije i obuke članica Evropskog  
udruženja javnih servisa Jugoistočne Evrope**

Sarajevo, 30. septembar/rujan 2011. godine

Gospodine predsjedniče Udruženja, generalni direktori, kolege,

- Zadovoljstvo mi je da Vam poželim dobrodošlicu danas u Sarajevu, u prostorijama Sekretarijata Vijeća za regionalnu saradnju (RCC), ovim važnim povodom - **Potpisivanje protokola o regionalnoj saradnji u oblasti edukacije i obuke članica Evropskog udruženja javnih servisa Jugoistočne Evrope.**
- Potpisivanje protokola je dokaz da je region uprkos oscilacijama u političkim i socio-ekonomskim prilikama u Jugoistočnoj Evropi ipak nastavio da se kreće naprijed. Štaviše, regionalna saradnja ulazi u fazu u kojoj regionalno vlasništvo treba da postane kamen temeljac ka regionalnoj odgovornosti.
- U isto vrijeme, predstojeći period oktobar-decembar mogao bi donijeti važne znake u pogledu puta evropskih integracija zemalja iz regiona.
- U tom kontekstu, Vijeće i njegov Sekretarijat prepoznali su nezamjenjivu ulogu koju javni servisi imaju u promociji regionalne saradnje i izgradnji slobodnog, demokratskog, pluralističkog, tolerantnog i uključujućeg društva, a prepoznati su i izazovi sa kojima se servisi suočavaju u ispunjavanju svoje uloge. Oni su jedan od najmoćnijih kanala za produblivanje dijaloga i razumijevanja u Jugoistočnoj Evropi.
- Prije godinu dana, **Vijeće** je zajedno sa Evropskom radiodifuznom unijom (EBU), **okupilo javne emitere, vladine zvaničnike, predstavnike regulatornih tijela i stručnjake iz Jugoistočne Evrope na međunarodnoj konferenciji u Sarajevu**, na kojoj su se učesnici saglasili da bi javni servisi u regionu trebali postati pokretači tehnološkog, ekonomskog, političkog i kulturnog razvoja njihovih zemalja, koji bi pri tom podržavali i integraciju u Evropsku uniju.

## ***MOLIMO PROVJERITE SA ODRŽANIM GOVOROM***

- U skladu sa zaključcima oktobarske konferencije, na narednom sastanku **održanom u Novom Vinodolskom u novembru 2010 godine, osnovano je Evropsko udruženje javnih servisa Jugoistočne Evrope** kao neprofitno međunarodno strukovno udruženje javnih servisa iz regiona. RCC je podržao uspostavljanje Udruženja.
- Vijeće vidi Udruženje kao jedan važan mehanizam regionalne saradnje za poboljšanje održivosti, veći nivo nezavisnosti, profesionalizma i odgovornosti javnih servisa. Vjerujemo da će to, s druge strane, rezultirati zdravijim medijskim sektorom i zdravijim društvima u cijelom regionu.
- Edukacija i obuka su od ključnog značaja za osiguranje tržišne konkurentnost s obzirom da samo dobro obučeni kadar upoznat sa najnovijim trendovima može da drži korak i nosi se sa tehnološkim i društvenim izazovima brzog razvoja svijeta u kome živimo, i kao takav može da ispunjava misiju javnih servisa članova Udruženja.
- Protokol o regionalnoj saradnji u oblasti edukacije i obuke članica Evropskog udruženja javnih servisa Jugoistočne Evrope predstavlja značajan doprinos boljoj konkurentnoj prednosti javnih servisa na izazovnom medijskom tržištu.
- U Protokolu se navode brojni izuzetno važni ciljevi od kojih je od ključne važnosti da se osoblju na svim nivoima omogući uspješno savladavanje sadašnjih i budućih izazova, te da se poveća doprinos javnih servisa razvoju savremenih demokratskih društava u Jugoistočnoj Evropi.
- Veoma se radujemo konkretnim aktivnostima na pospješivanju misije javnih servisa, na pružanju podrške i razmjeni znanja između strana potpisnica.
- **Ovom impresivnom broju od 12 javnih servisa iz Jugoistočne Evrope**, potpisnicima Protokola kojeg su podržali RCC i EBU, želim uspješnu saradnju u oblasti edukacije i obuke, uz nadu da će i druge radne grupe u okviru Udruženja uskoro slijediti ovaj primjer na korist javnih sevisa, ali i svih nas, njihovh gledalaca i slušalaca.
- U ovom procesu možete računati na podršku Sekretarijata Vijeća za regionalnu saradnju.
- Hvala Vam na pažnji.